

Dumonda Zanetti (Sent) concernent il transport d'autos tras il Veraina

Durant il 25avel onn da gestiun dal transport d'autos tras il Veraina è vegnì cuntanschì l'onn 2024 in nov record. Tut en tut èn vegnids transportads l'onn passà 560 415 vehichels tras il tunnel, 5 pertschient dapli che l'onn da record precedent. Tenor il rapport da gestiun da la Viafier retica 2023 è la creschientscha sa repartida sur l'entir onn. Dal zercladur fin il settember n'è dentant betg l'entir potenzial vegnì exaurì. Pervia da la situaziun da mancanza da locomotivistas e locomotivists n'èn numnadamain vegnidas purschidas naginas prestaziuns supplementaras (3. tren d'autos).

La colliaziun segira cun l'ulteriura rait da vias è per la regiun Engiadina Bassa/Val Müstair d'ina impurtanza decisiva, gist er en vista a las sfidas che spetgan, sco la colonisaziun decentrala da las valladas cumbinada cun la midada demografica. Cuntrari ad autras regiuns en il chantun è la colliaziun sur la lingia dal Veraina colliada per la populaziun indigena cun ina participaziun als custs directa e nundifferenziada tras la taxa da transport e la purschida na cumpiglia betg l'entir di.

Suenter las 20.50 fin curt avant mesanotg circuleschan ils trens durant la stagiun d'enviern d'avent da Claustera-Selfranga mo mintga ura. Questa pussaivladad manca però da preschent cumpletta main dal matg fin il 1. da december. Gist l'atun vul quai dir, che la regiun Engiadina Bassa/Val Müstair n'è a partir da las 20.00 betg pli en mintga cas cuntanschibla, per exempel d'avent da Cuira, cunzunt perquai ch'ins sto er far quint l'atun cun naiv sin il pass dal Flüela. Questa malsegirezza d'ina cuntanschibladad fidada entaifer in temp acceptabel signifitga tant per persunas indigenas sco er per giasts ina restricziun che na dastga betg vegnir sutvalitada ed uschia in dischavantatg da concorrenza.

1. Quant enavant è la Regenza dal medem avis sco la valitaziun preschentada qua e vesa ella in basegn d'agir d'anticipar l'urari d'enviern dal transport d'autos per almain 1 mais, cunquai ch'il pass dal Flüela n'è betg avert adina il november?
2. È la Regenza pronta da sclerir – ensemen cun la furnitura da prestaziuns – la finanziaziun da questa purschida complementara e da gidar ad obtegnair ina soluziun correspudenta?

Cuira, ils 22 d'october 2025

Zanetti (Sent), Kienz, Lehner, Atanes, Berther, Berweger, Biert, Binkert, Brunold, Caduff, Caluori, Casale, Caviezel, Censi, Collenberg, Cortesi, Cramer, Crüzer, Degiacomi, Della Cà, Dürler, Epp, Furger, Gansner, Gredig, Hassler, Heim, Heini, Holzinger-Loretz, Jochum, Kaiser, Kocher, Kohler, Kreiliger, Laim, Lamprecht, Loepfe, Maissen, Mani, Mazzetta, Menghini-Inauen, Messmer-Blumer, Metzger, Nicolay, Oesch, Orlik, Padrun, Preisig, Righetti, Roffler, Said Bucher, Saratz Cazin, Sax, Schläpfer, Schneider, Spagnolatti, Tomaschett, von Tschärner, Zanetti Livio (Landquart), Zanetti Marion (Landquart), Zindel